

**Statutas  
dalla societad  
da musica**

**Danis-Tavanasa**

# **STATUTAS DALLA SOCIETAD DA MUSICA DANIS-TAVANASA**

## **I. NUM, DOMICIL ED INTENT**

- Art. 1 La societad da musica Danis/Tavanasa ei fundada ils 10 da schaner 1920, tenor artechel 60 ff dil cudisch civil svizzer.
- Art. 2 Igl intent dalla societad da musica Danis/Tavanasa ei d'embellir festivitads ecclesiasticas e profanas.

## **II. COMMENBERS, DRETGS ED OGLIGAZIUNS**

- Art. 3 La societad da musica secumpona ord:
- a) commembers activs
  - b) commembers passivs
  - c) commembers d'honor

### **Art. 4 Commembers activs**

Mintga commember activ ha il dretg da:

- votar
- vegnir elegius
- in instrument ed ina mondura

Mintga commmember ei obligaus da:

- assister alla radunonza generala
- vegnir suenter allas obligaziuns finanzialas visavi la societad
- segidar tenor meglier saver e puder en tuttas spartas organisatoricas ed auters pensums che crodan tier

### **Art. 5 Commembers passivs**

Commember passiv sa mintga persuna daventar che sustegn la societad da musica finansialmein cun ina contribuziun annuala. Il commember passiv ha il dretg da prender part allas fiastas organisadas dalla societad sco era alla radunonza generala, senza il dretg da vuschar.

Art. 6 Commembers d'honor

Commember d'honor sa ina persuna ch'ei sefatga grondamein meriteivla per la societad da musica vegnir numnada entras la radunonza generala. In commember ch'ei staus 15 onns activs en la societad da musica Danis/Tavanasa sa daventar commember d'honor da nossa societad. Il commember d'honor ha il dretg da prender part alla radunonza generala cun vusch cusseglianta e far part da tuttas producciuns gratuitamein.

Art. 7 Commembers novs

La damonda da daventar commember ei da drizzar alla suprastanza. Sur da recepir novs commembers decida la radunonza generala. Giuvens san daventar commember igl onn ch'els cumpleneschan il 15avel onn, suenter haver sunau in onn sco candidat. Mintga commember niev obtegn las statutas e s'oblighescha da setener vid quellas.

Art. 8 Contribuziuns

Las contribuziuns dils commembers novs, activs e passivs vegnan fixadas dalla radunonza generala sin proposta dalla suprastanza.

Art. 9 Extrada

In'extrada ord la societad ei da drizzar a scret entochen igl 1. da settember digl onn current alla suprastanza. Duess in commember esser necessitau da bandunar la societad sto el metter siu instrument e sia mondura a disposiziun alla societad e piarda tut dretg enviers quella. Vul in tal puspei daventar commember activ, sto el buca pagar daner d'entrada. Maunca in commember activ plirs exercezis, sa el vegnir sclaus dalla societad e piarda tutts dretgs sco commember activ.

### III. ORGANISAZIUN

Art. 10 Ils organs dalla societad ein:

- a) la radunonza generala
- b) la suprastonza
- c) ils revisurs da quen

Art. 11 La radunonza generala

La radunonza generala ha liug mintg'onn enteifer il meins d'october ni november. L'invitaziun duei mintga commember obtener 10 dis avon la radunonza. Las decisiuns ed elecziuns vegnan pridas cun maun pli. Sin giavisch d'in u plirs presents sto ei vegnir menau atras cun scrutini. La suprastonza, igl administratur da material, il vice-dirigent ed ils revisurs da quen vegnan elegi entras la radunonza generala per dus onns, il dirigent per in onn. Ina reelecziun ei pusseivla.

Art. 12 Radunonzas extraordinarias san vegnir convocadas entras la suprastonza ni sin exprimiu giavisch da silmeins 1/3 dils commembers activs.

Art. 13 Tractandas dalla radunonza generala annuala ein:

1. Appel ed elecziuns da dus dumbravuschs
2. Protocol
3. Rapport annual dil president
4. Rapport dil dirigent
5. Rendaquen, rapport dils revisurs ed approbaziun dil quen annual
6. Recepziun da novs commembers (contribuziun)
7. Demissiuns
8. Program da lavur ed eventuals credits
9. Elecziuns
10. Varia

Art. 14 Propostas da commembers che vulan vegnir risguardadas silla gliesta da tractandas ein d'inoltrar en scret alla suprastonza entochen igl 1. d'october.

Art. 15 Ina revisiun da questas statutas ei resalvada alla radunonza generala. Quella ei habla da decider sche silmeins 2/3 dallas vuschs presentas giavischan ei.

Art. 16 La suprastonza

La suprastonza consista ord:

- a) president
- b) actuar (vice-president)
- c) cassier

Art. 17 La suprastanza ei igl organ executoric dalla societad. Ella diregia tuttas fatschentas administrativas/organisatoricas. Per la societad segna il president ed igl actuar communablamein. Ella ha il dretg da disponer dad entochen 500.-- francs per cass.

Art. 18 1. **Il president** survigilescha e coordinescha tuttas fatschentas dalla societad. El empeila las radunonzas e representa la societad anoviars. Medemamein exequescha el tutta corrispondenza e procura il rapport annual.

2. **Igl actuar** redegia il protocol da tuttas radunonzas, sesiuns da suprastanza ed autras sedutas. El remplazza il president en cass d'absenza.

3. **Il cassier** procura il traffic da cassa ed administrescha la facultad dalla societad. El ei responsabels pigl incasso dallas contribuziuns. El tegn la suttascripziun pil traffic bancari e schec postal.

Art. 19 Ils revisurs da quen

Ils revisurs da quen controlleschan il quen e rendan rapport alla radunonza generala.

Auters organs

Art. 20 Il dirigent ei responsabels per la part musicala, meina ils exerchezis e las produenziuns e stat a disposiziun alla suprastanza cun vusch cusseglienta.

Art. 21 Il vice-dirigent segida cun il dirigent duront ils exerchezis e surpren il pensum da dirigent sche quel ei absents.

Art. 22 Igl administratur da material ha quitau e bien uorden per tut material dalla societad. El meina in cudisch d'inventari, remplazza e completescha material tenor basegns.

Art. 23 Cumissiu da musica

Ella secumpona ord 3 commembers:

1. dirigent
2. vice-dirigent
3. in commember che vegn elegius dalla radunonza generala

I. La cumissiu da musica ei in organ cusseglient dalla societad da musica e segida cul dirigent vid il program musical.

II. Ella propona alla suprastanza sur dad eventualas participaziuns e fiastas da musica.

III. La cumissiu da musica organisescha l'instrucziun musicala dils giuvenils e segida tenor basegns cul dirigent tiels exerchezis.

#### **IV. DETERMINAZIUNS FINALAS**


Art. 24 La sligiazion dalla societad sa mo daventar ad ina radunonza generala en la quala 2/3 dils commembers activs ein presents. Sche 12 commembers opponan ad ina sligiazion sa quella buca daventar. In eventual deivet sto vegnir purtaus dils commernbers activs. La facultad dalla societad croda en favur dif vischinadi en cass che negina societad cul medem intent vegn fundada enteifer 10 onns dapi la sligiazion.

Questas statutas ein vegnidas renovadas ed approbadas alla radunonza generala dils 30 da settember 1994 e remplazzan tuttas statutas entochen da cheu.

Tavanasa, ils 15 da settember 1995/cs


Il president:

Tarcisi Cathomas



Igl actuar:

Gion Friberg



# **SOCIETAD DA MUSICA DANIS/TAVANASA**

## **REGLEMENT PER SUNAR DA SEPULTURA**

- Art. 1 La societad accumpogna tier la fossa e renda la davosa honor en uniforma e cun bandiera per:
- a) commembers activs
  - b) commembers d'honor
- Art. 2 Commembers ch'eiin stai silmeins 15 onns activs vegnan accumpignai cun la bandiera.
- Art. 3 Duess ei inagada u l'otra buca esser pusseivel da sunar per in commember, vegn la societad en scadin cass representada tras la bandiera.

## **REGLEMENT PER SUNAR PER NOZZAS NI PER AUTRAS OCCASIUNS**

- Art. 1 Tier la fiasta da nozzas d'in commember activ en vischinadi suna la societad da musica en baselgia ni tenor convegnientscha.
- Art. 2 Tier nozzas ordeifer il vischinadi vegn dau ina produczion tenor convegnientscha.
- Art. 3 Cumplenescha in(a) vischin(a) 80, 85, 90,... onns, dat la societad ina produczion.

## **REGLEMENT PER FIASTAS ECLESIASTICAS**

- Art. 1 La societad suna en uniforma tier suandontas fiastas:
- a) Dumengia alva
  - b) Sontgilcrest
  - c) Perdanonza
  - d) Dumengia dil s. Rusari

Danis/Tavanasa, ils 10 d'avrel 1991/mf

# **SOCIETAD DA MUSICA DANIS/TAVANASA**

## **REGLEMENT D'INSTRUMENTS E MONDURAS**

### **I. Instruments**

Art. 1 Mintga commember activ ha dretg d'in instrument (art. 4 dallas statutas)

El resta en posses dalla societad. Mintga musicant ei responsabels per quel e s'obligescha da mantener el en bien uorden. Tier mintga producciun duei el esser schubers.

Art. 2 Per tuts donns che vegnan caschunai cun cuolpa dil musicant ei el era responsabels e sto pagar sez tuts cuosts da reparaturas.

Art. 3 In musicant ch'extrescha dalla societad ei obligaus da dar giu siu instrument schubergiaus agl administratur da material.

### **II. Monduras**

Art. 4 Mintga commember activ ha il dretg d'ina uniforma cumpleta (tschiep, caultscha, camischa, gravatta e capiala).

La mondura (ni uniforma) vegn purtada tier nossas fiastas ecclesiasticas usitadas. Tier autras caschuns concluda la societad da cass tier cass.

Art. 5 Mintga commember ei sez responsabels per sia uniforma ed en cass d'extrada ha el da remetter quella en bien stan.

Art. 6 Eventualas midadas vid uniformas per commembers novs vegnan purtadas dalla societad.

Art. 7 A mintga caschun che l'uniforma vegn purtada, sepresentan ils musicants cun calzers ners e caltschauls alvs.

Art. 8 En uniforma descha ei da schar reger disciplina e secuntener en uorden.

Danis/Tavanasa, ils 10 d'avrel 1991/mf